



## МЕСЯЦА МАЯ В 24-й ДЕНЬ

Преподобнаго отца нашего Симеона,  
яже на Дивней горѣ

На Господи, возвах: стихиры Симеона, на 6,  
глас 8.

Подобен: О, преславнаго чудесе:

**С**толп написан имущ, рождественный\*  
добродетели / видения и деяния, Симеоне  
пребогате, / душу соделал еси, / плотская  
победив выграна / и в живоносную одеяв-  
ся мертвость, преподобне, / и светильник был еси,  
присно сияющ / вся земныя концы / просвещая  
благодатию.

**Ж**еланием Божественным вперим, / еще плоть  
нося и перстию обложен, / Ангелом был еси яже  
единожителю, / земных убо отступль, / к Небесным  
же, отче возвышаемъ, / столпом высоким, / к Богу  
взимаяся присно / и восхождению облистаяся.

**П**лоть истнив воздержанием, и горѣ возводящу  
душу / и к Богу приближающуюся, / Симеоне, пока-  
зал еси, / и приятелище Духа, / и силою Сего чудеса  
паче естества / творити сподобился еси. / Отонуду-  
же бысть вседетельное деяние, / яже паче ума вся  
и мысли преходят.

\* рождественный — родовый, общий.

### Слава, глас 6:

Отче досточудне, / пустыни явился еси доброе прозябение, / нам же заступник: / в той бо желание обрел еси Небесныя высоты, / целebныя же благодати от некрадомых сокровищ Духа сподобился еси. / Темже обоими Христос тя обогати / и чудес самодетеля показа, / Симеоне преподобне, / моли спастися душам нашим.

### И ныне, Богородичен или Крестобогородичен.

Подобен: Тридневен:

На Древе Живот наш зрящи, Всенепорочная Богородице, всящ, / матерски рыдаючи, вопиаше: / Сыне Мой и Боже Мой, / спаси любовьию поющия Тя.

### На стиховне дне.

### Слава, глас 2. Самогласен. Германово:

На гору высоку, образно дивну, возшед / и в честный кивот, яко в незаходима, вшед / деянием изрядным, / и восхождение видений показал еси: / житие убо уяснив узы железными, / якоже гривнами златыми, украшен, / Бога же зря, и зрим, / и един Единому беседа, / Егоже моли, честный Симеоне, о душах наших.

### И ныне, Богородичен или Крестобогородичен.

Подобен: Егда от Древа:

Угль, егоже провиде прежде славный Исаия, / воплощается от Неискусомужныя Матере / манием Прозябшаго и Родителя / и, рождся, закаляется волею, / мира вземляя прегрешения, / Агнец яко непорочен. / Темже Агница и Дева, / Сего на Кресте зрящи, / печали оружием снадашеся.

### Тропарь, глас 1:

Пустынный житель, и в телеси Ангел, / и чудотворец явился еси, Богоносе, отче наш Симеоне, / постом, бдением, молитвою Небесная дарования приим, / исцеляеши недужныя и души верою притекающих ти. / Слава Давшему тебе крепость, / слава Венчавшему тя, / слава Действующему тобою всем исцеления.



**Канон преподобнаго на 6, егѡже краегранесие:  
Чудне, пою, Симеоне, твою благодать. Глас 8.**

### Песнь 1

**Ирмос:** Колесницегонителя фараоня погрузи/  
чудотвори ииногда / Моисейский жезл, крестооб-  
разно поразив / и разделив море, / Израиля же  
беглеца, пешеходца спасе, / песнь Бѡгови воспева-  
юща.

Богословия войстинну вина есть память твоя,  
чудодѣйственный ѡтче Симеоне, / и сияние сошед-  
шимся всем чистыми сердцы пѣти тоя величество /  
и досточудное житие твое.

От гласа Крестителява и видения благовестися  
твоей славнои матери, / и ты, благобно и Божѣ-  
ственное жилище, всеблаженне ѡтче, зачат же и  
роди, / Триипостаснаго Божества.

Паче естества правды носило Бѡжиих дарова-  
ний, / от пелен, ѡтче, матерних хотяща быти,  
проразумев великий Предтеча, / шуюго сосца тебе  
отвращатися повелевает и к десному прилепятся.

Чисто из начала приим житие, пребогате, /  
банаю, ѡтче, пакибытия дар духовный, / от младен-  
ства Божественне твоея души благолепие / пока-  
зал еси, солнца светлейши.

**Богородичен:** Преславная, возглаголашася о  
Тебе в родех родов, / Бѡга Слова во чреве вместив-  
шая, / чиста же пребывши, Богородице Марие, /  
темже Ты вси почитаем, сущее по Бѡзе заступле-  
ние наше.

### Песнь 3

**Ирмос:** Небеснаго круга Верхотворче, Господи, /  
и Церкви Зиждителю, / Ты мене утверди в любви  
Твоей, / желаний краю, верных утверждение, /  
Едине Человеколюбче.

От младых ногтей подвижник изряден израсл  
еси, / рачитель же Божественных доброты теп-  
лый. / Тем от ложесн ты проуведев Владыка,  
Симеоне, / освятил есть, ѡтче преславне.

Умудрився от млада, чудотворче преподобне  
ѡтче, возраста истинным разумом, / Духа непости-

жѣмаго самовѣдно сподобился еси видети, / силами окружаема.

Души чувства от ужаснаго, преподобне отче, просветив видения, / чуден разум благих стяжал еси / и инако имущим, Симеоне, неблаженно житие показал еси.

Явственнo тебе предста посланный Ангел, / ангельское, Богоносе, завеща житие, целовати радостно, / ног же явльшагося прикоснулся еси, отче, стопам.

**Богородичен:** Вселився в Деву телесне, Господи, явился еси человеком, / якоже подобаше видети Тебе, / Юже и показал еси яко истинную Богородицу и верных Помощницу, / еди́не Человеколю́бче.

### Седáлен, глас 8.

**Подобен:** Премудрости:

Прежде зачатия, отче, освятився, / родительнице подался еси прекрасно прозябение, / хотящ быти сосуд Божественнаго Духа, / Егоже силою возрас, уязвил еси лукавых духов множество жезлом веры; / темже, со славою отшед, был еси верных столп непоколебим / и светильник светел, Симеоне досточудне. / Моли Христа Бога согрешений оставление даровати / чтущим любовь святую память твою.

### Сла́ва, и ны́не, прáздника или́ Богородичен:

В напасти многоплетенныя впад от враг видимых и невидимых, / бурею одержим безчисленных согрешений моих, / и яко к теплomu заступлению и покрову моему, Чистая, / ко пристанищу притекаю Твоея благодати: / темже, Пречистая, из Тебе Воплощенному безсеменно молися прилежно / о всех рабех Твоих, непрестанно молящих Ти ся, Богородице Пречистая, / молящи Его присно согрешений оставление даровати / воспевающим достойно славу Твою.

### Крестобогородичен:

Агница, и Пастыря, и Избавителя Агница зрящи на Кресте, / восклицаше, плачущи, и, горько рыдающе, вопияше: / мир убо радуется, приемля



Тобою избавлѣние, / утрѣба же Моя горѣт, зрящи  
Твое распятие, еже терпиши за милосѣрдие мило-  
сти. / Долготерпеливе Господи, милости бѣдно и  
истѣчнице неисчерпаемый, / умилосѣрдися и да-  
руй согрешѣний оставлѣние / верою поющим Бо-  
жественныя страсти Твоя.

#### Песнь 4

**Ирмос:** Ты моя крепость, Господи, / Ты моя и  
сила, / Ты мой Бог, Ты мое радование, / не оставль  
недра Отца / и нашу нищету посетив. / Тем с  
пророком Аввакумом зову Ти: / силе Твоей слава,  
Человеколюбче.

Пребыти внутрь никакоже мира претерпел еси  
еще, отче, / имея наставляющую тя Божия Духа  
силу: / в непроходимых же пустынях живый и со  
зверьми ходя без боязни, отроча сый, / и болезнями  
веселился еси телесными.

Скача, якоже елень, по горам, / желал еси, отче,  
Боготочных истѣчников / и, обрет сия, Симеоне,  
боголюбия жажду преисполнил еси: / от нихже  
богословия насыщся, источаеши присто, лице  
Христово зря.

Белообразующа тя, якоже на колеснице, / зрел  
еси, преподобне, носима, умными, отче, очима: /  
столпом же светлым отроча наставляемь, / Божѣ-  
ственный Иоанн стоя на степенях, прежде твоего к  
нему восхождѣния.

Наставлен быв, славне, от благодати, данныя  
тебе, / якоже от силы в Божественную силу,  
шествуеши ко Иоаннове храмину Богомудренна-  
го, / с нимже подвигом любезно борение проходя,  
явился еси, якоже Ангел.

**Богородичен:** Ты верных похвала еси, Безневѣ-  
стная, Ты Предстательница, / Ты прибежище хри-  
стиан, стена и пристанище: / к Сыну бо Твоему  
мольбы носиши, Всенепорочная, / и спасаеши от  
бед верою и любовью Богородицу Чистую Тя  
ведуция.

#### Песнь 5

**Ирмос:** Вскую мя отринул еси / от лица Твоего,  
Свете незаходимый, / и покрыла мя есть чуждая

тьма, окаяннаго? / Но обрати́ мя и к свѣту за́поведей Твои́х / пути́ моя́ напра́ви, молю́ся.

**Красоты́ исполнь, яко благоле́пен де́тищ, о́тче, / Господь я́вственнo предста́, на степе́ни стоя́нннн твоего́ сущу, / и облиста́в сла́вою терпéния, якоже проси́л еси́, / Себе́ показав распина́ема.**

**Воссия́ зарею́ откровéний все жити́е твое́, / и́мже Божéственнаго мiра благово́ннн бнв исполнен, / супроти́вннн страдальчески, Христóв уго́дннче, дéмонскнн ссекл еси́ полки́.**

**Возвы́сился еси́ видéнии Божéственными, всеблаже́нне, ума́ чистото́ю / и, исто́чник му́дрости живонóсннн, то́ки исто́чающее́ сёрдце имéя, / от Бóга учéнннми, ду́ши боля́щих просвети́л еси́.**

**Богорóдичен: Матернее дерзновéние, éже к Сы́ну Твоему́, иму́щи, Пречы́стая, / срóднаго промышлéния, éже о нас, не презри, мо́лимся, / яко Тебе́ и еди́ну, христи́ане, ко Влады́ще очищéние мiлостивно предлага́ем.**

## Песнь 6

**Ирмо́с: Молитву́ пролию́ ко Гóсподу / и Тому́ возвещу́ печáли моя́, / яко зол ду́ша моя́ исполнися / и живóт мой áду прибли́жися, / и молю́ся, яко Иóна: / от тли, Бóже, возведи́ мя.**

**Вели́к, якоже Моисéй, добродéтельннми чýдннй бнв, о́тче, / на высóк столп мáнием Божéственным возше́д, взятся Духом, / и, си́лу просвети́тельную приéм, якоже он, просла́вился еси́.**

**Исто́щи́ свой враг стрел душетлéнннй тул, / неистовно, Богоно́се, стреля́я, / и ду́ши твоея́ столпа́ не поколеба́: / на ка́мени бо неразсе́днем Христóве крéпко утверди́лся еси́.**

**Яко терпя́щу по́ты удо́бь воздержáния, чýдннй о́тче, / я́влься Влады́ка тебе́, жезл крéпости Христóс вруча́ет / и сим тебе́ немощн́х неду́ги повелева́ет целы́ти.**

**Богорóдичен: Мари́е, Влады́чнее селéние, свéтлыми дéвства заря́ми / светови́дно, яко крин, сия́я посреди́ терно́внаго смешéния, / Тебе́ молю́ся, Благо́й: / согрешéний ми да́руй прощéние.**



## Конда́к, глас 2.

Подобен: Вѣшних ищя:

**В**ѣшняя желая, дольная отложив, / и, яко небо, столп соделавый, / тем облистал еси чудес зарю, преподобне, / и Христу, всех Богу, молиши ся непрестанно о всех нас.

## Икос:

**В**сесветлая блаженнаго память другий явися день спасения нам, / сиянием пощения ночь глубокою страстей отгонящий / и всеизрядными деяньми просвещающий. / В нюже светло, яко звезды, явльшися, / вси вернии, пения в веселии Симеону светильнику принесем: / свѣше бо зря, просвещает ны и дает умирение неизглаголанно, / Христа Бога моля непрестанно о всех нас.

## Песнь 7

**Ирмос:** Халдейския пещи / всепагубную силу угасивше / образом Ангела снишедшаго, / Жиздителя юноши зываху: / благословен еси и хвальный, Боже отец наших.

**Ю**ношески, Богоносе, мудрования мирския лести, тщия же славы, низпадания бегая, / в молчании жити возлюбил еси, и духом вопия непрестанно: / благословен Бог отец наших.

**К**рестообразно простирая длани твоя и молитву действуя, / Христа во славе со Ангелы очима явленно, Богоносе, узрел еси, / на гору сию дивную взйти повелевающа.

**Н**еботечне нравом иди, отче, к столпу, возшел еси на него, / прежде сего ты Владыки Божественным повинувся велением, / достигл еси горы сей, юже чудно чудну сам именовал еси.

**В**ысокий верх, якоже Небесный рай, / благовоными насажден цветы всякими, обрет, вселился еси, / жилище же сие чудодейственне, богоначертанно водрузил еси.

**Богородичен:** Во свете Господни ходящии, придите, / воспойм Божественный град Царя царствующих, / Марию Пречистую, Богородицу истинную, яко упование душ наших.

## Песнь 8

**Ирмос:** *Седмерицею пещь / халдэйский мучитель / Богочестивым неистовно разжже, / силу же лучшею спасены, сия виде, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.*

**Боголѣпными, преподѣбне, души твоея силами трисвѣтлomu спримесился еси сиянию, / от него научаемь, яко от единого Божества, / Сему пред столпом твоим требогатен храм славно создал еси / и несозданную чтити научил еси в нем Троицу во веки.**

**Всесильное Духа Святаго действо, боговидно всельшееся в тя, Богогласе, / стицатися подвиже от конец всех, от духов лукавых томимья, / и, сих исцеляя ваийным твоим жезлом, / научаеши Зиждителя пети во веки вся.**

**Юношеское мудрование плотское повинул еси, отче, постом и молением духу, / утробы же разгорение угасив, потребил еси / и, яко не ядбй, паче человека явился еси, пищею Небесною питаеся токмо, / виновна же сему поеши во веки.**

**Ликостояние Божественное учеников тебе, чудный отче, вручает Христос Господь, / ихже любвию прием, учении осиял еси к воздержания прострѣтися течению. / С нимиже почивая во Царствии, Царя всех славословиши во вся веки.**

**Богородичен:** **О** нас моли Сына Твоего и Господа, / воистинну и чисто вопиющих Ти / и Тя, Богоматерь, исповедающих, Чистая, / грехов просящи разрешенія, / улучшить же спасение верно поющим: / отроцы, благословите, священницы, воспойте, / людие, превозносите во вся веки.

## Песнь 9

**Ирмос:** *Устрашися всяк слух / неизреченна Божия снизхождения, / яко Вѣшний волею сниде даже и до плоти, / от Девическаго чрева быв Человек. / Темже Пречистую Богородицу, вернии, величаем.*

**Хлѣбы малыми, Симеоне, насыщаго множество**



человек многое, / Христа, треблаженне, молитвами твоими подражая, / во ограде твоей праздныя житницы пшеницы наполнил еси благословенни твоими / и от глада избавил еси стадо твое.

**Глаголы Марфы, честныя и преподобныя твоея матери, всеблаженне, / моленьми ты молящия умоли Христа, / не отрелся еси той исполнити прошения / и Божий град Божия гнева избавил еси.**

**Уведев кончину, Симеоне, подвигов твоих, / разрешился от телесе, пренеизглаголанное в Вышних, всеблаженне, обожение, / к нему же отсюда возлетев, радуешься духом, / зря того ради триипостасное сияние.**

**Манием, отче Симеоне, и промышленности твоими / от жития к тебе многомятежнаго молитвами устремившиися, в пристанище твое, / от всяких враг страстей свободи / и память твою празднующую светло сохраняй.**

**Богородичен: Спаси мя, Мати Божия, рождающая Христа, / Спаса моего, Бога и Человека, / сугуба естеством, а не Ипостасию, / Единородна же от Отца, из Тебе же первенца твари всякия. / Тем же вси Тя присно величаем.**

### Светилен.

**Подобен: С вете неизменный:**

**От пустыни облистав, вселенную просвещаяши, / монахов множества радуются о твоей памяти, о Симеоне Богоносе! / Не престаи о мире моляся.**

### На стиховне дне. Слава, глас 6:

**Преподобне отче Симеоне, / во всю землю изыде вещание исправлений твоих, / тем на Небесех обрел еси мзду трудов твоих, / демонския погубил еси полки / и ангельския достигл еси чины, / их же житию без порока поревновал еси. / Дерзновение имея ко Христу Богу, / мир испроси душам нашим.**

### Крестобогородичен:

**Предстоящи Древу иногда во время распятия, / Дева с девственным учеником, и плачущи, вопи-**



**яше: / увы Мне, како страждеши, всех сый, Христэ, безстрастие!**

### НА ЛИТУРГИИ

**Блаженны праздника и святáго, песнь 3-я. Прокíмен, глас 7: Возвеселится праведник о Господе: Стих: Услыши, Бóже, глас мой: Апóстол к Колосса́ем, зачáло 258. Аллилу́ия: Блажен муж, бойся Гóспода: Евангелие от Матфе́я, зачáло 43. Причáстен: В пáмять вéчную бóдет праведник:**

**Преподобный Симеон Столпник** родился в 521 году в Антиохии Сирийской от благочестивых родителей Иоанна и Марфы. Святая Марфа (память 4 июля) с юных лет желала сохранить девство и стремилась к иночеству, но родители настаивали на вступлении в брак с юношей Иоанном. После усердной молитвы в церкви во имя святого Иоанна Предтечи преподобной в видении было указано подчиниться воле родителей и вступить в брак. В супружеской жизни святая Марфа стремилась во всем угождать Богу и своему мужу. Часто она молилась о даровании ей ребенка и обещала отдать его на служение Господу. Марфе явился святой Иоанн Предтеча и открыл, что у нее родится сын, который будет служить Богу. Родившийся младенец был назван Симеоном и крещен в возрасте двух лет.

Когда Симеону шел шестой год, в городе Антиохии произошло землетрясение, во время которого погиб его отец. Симеон во время землетрясения был в храме. Выйдя из него, он заблудился и семь дней провел у приютившей его благочестивой женщины. Вновь явившийся блаженной Марфе Иоанн Предтеча указал, где находится потерявшийся мальчик. Мать святого, найдя своего ребенка, поселилась после землетрясения в предместье Антиохии. Уже в детстве святому Симеону несколько раз являлся Господь Иисус Христос, предсказывая ему будущие подвиги и награду за них.

Шести лет отрок Симеон ушел в пустыню, где некоторое время находился в совершенном одиночестве. В это время его охранял и питал светносный ангел и, наконец, привел в уединенный монастырь, настоятель которого игумен авва Иоанн, подви-

завшийся на столпе, с любовью принял отрока.

Спустя некоторое время святой Симеон обратился с просьбой к старцу Иоанну разрешить ему тоже подвизаться на столпе. По благословению игумена неподалеку от его столпа братией монастыря был сооружен новый столп. Совершив постриг семилетнего мальчика в иночество, авва Иоанн сам возвел его на этот столп. Юный подвижник, укрепляемый Господом, быстро возрастал духовно, превосходя в подвигах своего опытного наставника. За строгие подвиги святой Симеон получил от Бога благодатный дар исцелений. Слава о подвигах юного инока начала распространяться за пределы обители, и к нему стали приходить из разных мест иноки и миряне, желавшие услышать его советы и получить исцеление от болезней. Смиренный подвижник продолжал пользоваться наставлениями аввы Иоанна.

На 11-м году жизни отрок решил подвизаться на более высоком столпе, к вершине которого вели 40 ступеней. К месту подвигов преподобного пришли епископы Антиохийский и Селевкийский, которые рукоположили святого подвижника в сан диакона, а потом разрешили ему взойти на новый столп, на котором преподобный Симеон подвизался в течение восьми лет.

Преподобный Симеон пламенно молился о ниспослании ему Святого Духа, и святая молитва подвижника была услышана. Дух Святой сошел на него в виде горящей свечи, исполнив подвижника Божественной Премудрости. Наряду с устными наставлениями святой Симеон посылал письменные поучения о покаянии, иночестве, о воплощении Христа и о будущем Суде.



После смерти старца святой Симеон так устроил свою жизнь: с восхода солнца до 9-го часа пополудни он молился, потом до захода солнца читал книги и переписывал Священное Писание, после чего опять вставал на молитву и молился всю ночь. Когда начинался новый день, он, немного отдохнув, с восходом солнца начинал обычное молитвенное правило.

Преподобный Симеон завершил подвиги на втором столпе и по указанию Божью переселился на Дивную Гору, оставив в своем монастыре опытного старца для руководства иноками. Восхождение на Дивную Гору ознаменовалось видением Господа, стоявшего на вершине холма. Святой Симеон продолжил подвиги на том месте, где видел Господа, сначала на камне, а потом на возведенном вновь столпе. Преподобному Симеону были открыты будущие события. Так, он предсказал смерть архиепископа Антиохийского Ефрема и болезнь епископа Домна, постигшую его в наказание за немилосердие. Наконец, преподобный Симеон

предсказал городу Антиохии землетрясение и убеждал всех жителей покаяться в грехах. На Дивной Горе святой Симеон устроил монастырь, храм которого строили исцеленные им от болезней люди, в благодарность за оказанную им милость. Для нужд монастыря преподобный испросил молитвой источник воды, и однажды во время недостатка зерна по его молитве к Господу в житницах обители умножилась пшеница. В 560 году по повелению Господа святой подвижник на 39-м году жизни принял от епископа Селевкийского Дионисия священный сан. 75-ти лет преподобный Симеон был предуведомлен от Господа о скорой своей кончине. Он призвал братию монастыря, преподал им в прощальной беседе благословение и мирно отошел к Богу в 596 году, потрудившись в подвиге столпничества 68 лет.

Как при жизни, так и после кончины преподобный совершал чудеса, исцеляя слепых, хромых и прокаженных, многих спасал от зверей, изгонял бесов из душевнобольных и воскрешал мертвых.

В  
тойже  
день



## Преподобнаго отца нашего Никиты столпника, Переяславскаго чудотворца

НА МАЛОЙ ВЕЧЕРНИ

**Поставим стихи 4 и поём стихиры самогласны,  
глас 5:**

**В**éрою и любóвию сошédшеся, празднóлóбцы, /  
псалмы́ и пéсньми восхвáлим днесь Небéснаго  
человéка / и земна́го Ангела, / к нему́же возопиём: /  
о всеблажéнне преподóбне, / пóстников похвалó и  
мúчеников! / о нас моли́ся к Бóгу, / óтче наш  
Никíто, / помíловатися душáм нáшим.

**Честный и светонóсный настá прáздник, / ис-  
пóлнь рáдости, и весéлия, и духóвнаго торжествá. /  
Тéмже, сошédшеся, мона́хов мнóжества / и христо-**



именітїи людіе, / любóвию восхваляюще, / блажїм  
Божественная деянія твоя: / яко бо крин удоль-  
ный, процвѣт, / благоухаеши душевная наша чув-  
ства. / Никїто отче наш, / моли спасти души  
наша.

**Я**ко уязвился еси желанием Божественным, /  
преподобне отче Никїто, / взем бо крест твой,  
последовал еси Владыце Христу. / Тогда, всякая  
плотская мудрания умертвив, / наследовал еси  
кротких землю, / причастием бо обожаемь / и  
неизреченнаго онаго веселия наслаждаяся, / поми-  
най нас, творящих всесвятую твою и пречестную  
память.

### Слава, глас 8:

**П**реподобне и Богоблаженне отче Никїто, /  
войстинну сподобился еси Божественныя жизни, /  
постом и бдением изнуряя тело твоё, / темже и  
образ был еси монахов, / аще бо и телесный язык  
умолча, / но чудеса свидетельствуют. / Древний  
град Переяславль, проповедуя, хвалится, / имея в  
себе неистощимое сокровище: / сами бо, зряще  
честную раку мощей твоих / и чудеса бываемая, /  
прославляют прославльшаго тя Господа. / Емуже  
молися, подобне, / даровати вселенней мир и  
велию милость.

### На стиховне стихіры, глас 2.

**Подобен:** Дóме Евфрафов:

**И**зшед из дому, / града Переяславля, / подобне  
отче Никїто, / и дошед тезоименитаго Лавры, /  
ту показался еси дом Пресвятаго Духа.

**Стих:** Честна пред Господем / смерть подоб-  
ных Его.

**Д**ом духовный быти / сподобился еси, отче  
Никїто, / от удивления брашен ужаснувся, / яко  
камень, согражден / Божественною благодатию.

**Стих:** Блажен муж, бойся Господа, / в заповедех  
Его восхощет зело.

**З**акон прием от наставника / тезоименитаго  
Лавры, / и мирская мудрания оставль, / явился  
еси дом / Пресвятаго Духа.



### Богородичен:

Ра́дуйся, Я́же ра́дость / міру приѣмшая / и уто-  
ли́вшая печа́ль, / Де́во, прама́терню, / Христа́ Жиз-  
нода́вца поро́ждши.

**Тропа́рь преподо́бнаго, глас 4 (зри на велицей  
вече́рни).**

**Сла́ва, и ны́не, Богородичен.**

#### НА ВЕЛІЦЕЙ ВЕЧЕРНИ

**Поѣм, Блаже́н муж: На Го́споди, воззва́х: стихи́-  
ры, глас 4.**

**Подобен: Я́ко дбля:**

Возде́ржа́ния стрела́ми врага́ уязви́л еси́ / и се́го  
разори́л еси́ полки́. / Тем побе́ды приѣт на враги́,  
блаже́нне преподо́бне, / на се́го держа́вно тя,  
Никі́то, Христу́ укре́пльшу. / Егѡ́же моли́ от тли и  
бед изба́вити / соверша́ющих при́сно честну́ю  
па́мь твою́.

На лу́чаяя видѣ́ния вше́д, блаже́нне, / земна́я  
вся и тле́ющая прехо́дящая / в телеси́, преподо́бне,  
презрѣ́л еси́, жити́е безвеще́ственное / на земли́,  
Никі́то, пожи́л еси́, сла́ва Христа́. / Егѡ́же моли́ от  
тли и бед изба́вити / чту́щия при́сно честну́ю  
па́мь твою́.

Дарова́нии Ду́ха, / Божѣ́ственными сия́нии прос-  
вѣща́я, / приснопа́мятне Никі́то, / свети́льник по-  
каза́лся еси́ концѣ́м, / болѣ́зней зол и тьму страсте́й  
отгоня́я моли́твами твои́ми, / избавля́я недуг, и  
скорбе́й, и бед / ве́рою соверша́ющих при́сно  
честну́ю па́мь твою́.

### И́ны стихи́ры, глас то́йже.

**Подобен: Дал еси́ зна́мение:**

Я́ко глас проро́ческий услы́шав: / измѣ́йтесь, и  
чи́сти бу́дете; / и от се́го умилѣ́ние в се́рдцы  
приѣм, / и всего́ себѣ слеза́ми облива́я, / воспоми-  
на́я своѣ́ соде́янная, / и ничто́же моги́й веща́ти, /  
то́кмо во уме́ своѣ́м к Бо́гу глаго́лаше: / наста́ви мя  
на сте́зи пра́вы, / и пойдú во и́стине Твоѣ́й, /  
исполня́я Твоѣ́ повелѣ́ния.

Егда́ друго́м и зна́емым со́званным / и потре́бным  
устро́енным / зна́мение стра́шно показáся: / пѣна с

крóвию, от сосúда исходя́щи, / и снédная на мно́ги  
 у́ды челове́ческия претвори́шася, / и, вéлиим стра́-  
 хом одержи́м быв, / ско́ро от до́му изы́де, / и, ко  
 оби́тели устремився, / во умé своём к Бо́гу моля́ше-  
 ся.

**Е**гда́ от до́му изше́д, / слеза́ми пу́ть омочи́л еси́, /  
 оби́тели достиза́еши и наста́внику духо́вне бесе́до-  
 вал еси́, / обе́ты твоя́ Бо́гу воздава́я, / плóти твоея́  
 не пощади́л еси́, / мрaвию и мши́цам сию́ в снédь  
 пре́дал еси́ / и сим врага́ до конца́ посра́ми́л еси́.

### Сла́ва, глас 6:

**М**ир возненави́дев, Христа́ возлюбил еси́ / и,  
 Тому́ послéдовав, / вери́ги тя́жки на теле́ твоём  
 носи́л еси́, / постóм и бдéнием себе́ удруча́я, / я́ко  
 безплóтен, на земли́ пожи́л еси́; / ду́шу же пресвёт-  
 лу Бо́гу предста́вив, / дарова́ний чудес сподóбился  
 еси́. / Тем мо́лим тя, óтче Никíто преподóбне, /  
 моли́ спастися́ душа́м на́шим.

### И ны́не, Богородичен.

### Вход. Прокíмен дне. Чтéния три.

#### Прорóчества Иса́иина чтéние (глава́ 43):

**Т**а́ко глаго́лет Господь: / вси язь́цы собра́шася  
 вку́пе, и соберу́тся кня́зи от них. / Ктó возвестит  
 сия́ в них? / Или́, я́же от нача́ла, ктó слы́шана  
 сотвори́т вам? / Да приведу́т свидéтели своя́, и  
 оправда́тся, / и да услы́шат, и да реку́т и́стину. /  
 Бúдите Ми свидéтели, и Аз Свидéтель, глаго́лет  
 Господь Бог, / и óтрок, егóже избра́х, / да позна́ете,  
 и веру́ете Ми, / и разумéете, я́ко Аз есмь, / прéжде  
 Мене́ не бысть ин бог и по Мне не бúдет. / Аз есмь  
 Бог, и несть, развe Мене́, спаса́яй. / Аз возвестих и  
 спасóх, / уничи́жих и не бе в вас чу́ждий. / Вы Мне  
 свидéтели, и Аз Господь Бог, / и ещé от нача́ла Аз  
 есмь, / и несть, от рук Мои́х избавля́яй. / Сотворю́, и  
 кто отврати́т то? / Си́це глаго́лет Господь Бог, /  
 избавля́яй вас Святы́й Изра́илев.

#### Прорóчества Иса́иина чтéние (глава́ 62):

**Т**а́ко глаго́лет Господь: / на стена́х твои́х, Иеру-  
 сали́ме, устро́их стра́жи весь день и всю но́щь, /



йже до конца не премолкнут, поминающе Господа: / несть бо вам подобен, / аще исправиши и сотвориши, Иерусалиме, презорство на земли. / Клянется Господь силою Своею и крепостию мшцы Своея: / аще ктому отдам пшеницу твою и брашно твоё врагом твоим, / и аще ктому испиют вино твоё сынове чуждii, о нёмже трудился еси, / но собирающие снут е и восхвалят Господа, / и емлющие испиют е во дворех святых Моих. / Шествуйте враты Моими, и путь сотворите людем Моим, / и камение, еже на пути, разместите, / и воздвигните знамение во языки. / Се бо Господь слышано сотвори до последних земли, / и речете дщери Сионове: / се Спаситель твой приходит, имый мзду с Собою, / и дело Его пред лицом Его. / И наречет люди святы, избавлены Господем, / ты же наречёшия взыскан град и не оставлен.

**Премудрости Соломону чтение  
(главы 5 и 6):**

**П**раведницы во веки живут, и в Господе мзда их, / и попечение их у Вышняго. / Сего ради примут Царствие благолепия и венец доброты от руки Господни, / зане десницею покрывает я и мшцею защитит их. / Примет всеоружие рвение Свое / и вооружит тварь в мечь врагом. / Облечётся в броня правды и возложит шлем — суд нелицемерен. / Примет щит непобедимый предобие, / поострит же напрасный гнев во оружие, / споборет же с ним мир на безумных. / Пойдут праволучныя стрелы молниины / и, яко от благокругла лука облаков, на намерение полетят. / И от каменометныя ярости исполнь падут грады. / Вознегодует на них вода морская, реки же потопят я нагло. / Спротив станет им дух силы и, яко вихор, развеет их, / и опустошит всю землю беззаконие, / и злодейство превратит престолы сильных. / Слышите убо, царие, и разумейте, / навикните, судий концев земли. / Внушите, держащие множества и гордящиеся о народах язык, / яко дана есть от Господа держава вам / и сила от Вышняго.

### На литіи стихи́ры, глас 4:

**Преподо́бне о́тче Никі́то,** / ты врач душам и телом явился еси́, / источая недужным исцеления струи́, / даром же благодатным украшае́мь, дальнаго ра́ди шест́вия / тяжким недуго́м обдержи́мага князя здра́ва сотвори́л еси́, / воздаю́ща хвалу́ Бо́гу, / тако́ва дара сподо́бльшему тя, / и, обраща́ющагося к пу́тному шест́вию, глаго́лавша: / моли́, преподо́бне, о чту́щих любо́вию пречестну́ю па́мять твою́, / спасти́ ду́ши на́ша.

**Богому́дре Никі́то,** / сла́ву малове́ременную оста́вль, / в тезоименитаго Ла́вру всели́лся еси́, о́тче, / и, Трои́це чи́стый дом показав́ся, блаже́нне, / сілою и де́йствием Свята́го Ду́ха те́мныя полки́ прогоня́еши, / и зми́я среди́ келли́и ме́ртва сотвори́л еси́: / живя́ще бо в тебе́ Хри́сто́с Бог наш, / Егóже моли́, преподо́бне, / спасти́ ду́ши на́ша.

**Мирский мятéж оста́вль / и** взял крест твой, / последовал еси́ Хри́сту́ невозвратным по́мыслом. / Из до́му изше́л еси́, / супру́гу и бли́жники́ яко́ нивотчо́же вмени́в, / и дости́гл еси́ тезоименитаго в му́ченицех Ла́вры, / душе́вныя стра́сти из ко́рене исторгáя, / тяжкая́ желе́за на вѣпо́ возложи́л еси́, / и частых ра́ди бде́ний и моли́тв благодать восприе́м, преподо́бне, / исцеля́ти разли́чныя недуги́. / Ангелом собеседни́че и преподо́бным сожителю́, / о́тче Никі́то, моли́ся Го́сподеви / спасти́ ду́ши на́ша.

### Сла́ва, глас 5:

**Преподо́бне о́тче,** / не дал еси́ сна тво́йма очі́ма, / ни ве́ждама дрема́ния, / до́ндеже ду́шу и те́ло от страсте́й свободи́л еси́ / и себе́ угото́вал еси́ Ду́ху жили́ще: / прише́д бо, Хри́сто́с со Отце́м оби́тель в тебе́ сотвори́, / и Единосущны́я Трои́цы уго́дник быв, / великопропове́дниче, о́тче наш Никі́то, / моли́ спасти́ся нам.

### И ны́не, Богоро́дичен.

### На стихо́вне стихи́ры, глас 8.

Подобен: О, пресла́внаго чудесе́:

**Преподо́бне о́тче Никі́то,** / слепы́м дае́ши свет, / боля́щим исцеление́, / хро́мым здра́вие / и ми́ло-



стивно преклоняешься / приходящим с верою ко храму твоему, / просящим помощи твоея: / се бо заступника и предстателя, вернии вси, обретохом, / восхваляющи тя, всечестне.

**Стих:** Честна пред Господем / смерть преподобных Его.

**Преподобне** отче всечестне, / добродетельми благими вшел еси, / яко на огненной колеснице, к Богу / и победными венцы увязался еси, / яко мнисты, на теле твоём носил еси честныя вериги; / на гробе же положены, источают исцеления / и прогоняют дүхи лукавыя. / Тем блажим тя, прехвальне Никито.

**Стих:** Блажен муж, бойся Господа, / в заповедех Его восхощет зело.

**Ликом** постническим сочтался еси, преподобне, / и монашеским украсился еси, блаженне, житием, / и ныне в Небесных веселишия селениях, / идеже ликуют Ангели, / светом Божественным воистинну обожаемь. / Поминай вьну / блажащих тя на земли / и пресвятое твое творящих успение, Никито.

### Слава, глас 3:

**Глас** пророка, велегласно вопиюща: / измьйтеся, и чисти будете, / молящу ти ся во святителици, услышав, / возстенал еси из глубины сердца, глаголя: / Боже, очисти мя. / И учреждение сотворил еси в дому клевет ради твоих, / и увидением брашен ужаслся, / и отторгнулся еси, яко серна, от тенет, / земная мудрования оплевав. / И ныне, преподобне отче Никито, / не презри молитвы раб твоих, молящихся тебе, / испроси у Христа Бога / помиловати души наша.

### И ныне, Богородичен.

### Тропарь, глас 4:

**П**равославным смыслом юношская возжеления возненавидев / и доблественныя нравы восприим, врага победил еси, / и во благоразумии Богу угодил еси, / и свыше от Него прием дар чудес, / бесы прогоняти, недуги исцеляти, / Никито

преслáвне, / моли́ Христа́ Бо́га, да спасёт ду́ши на́ша.

**Ин тропарь, глас то́йже:**

**Х**ристову мученику тезоименит был еси́, преподобне, / мно́ги подвиги и труды́ претерпел еси́ Христа́ ра́ди, / Егóже ра́ди вери́ги носил еси́, блаженне, / Того́ ны́не о нас моли́, Никито́ преподобне, / душе́вныя на́ша и телесныя стра́сти уврачевáти, / и́же véрою и любóвию / почита́ющих прísно пáмять твою́.

**НА УТРЕНИ**

**По 1-й стихоло́гии седа́лен, глас 4:**

Во обители тезоименитаго тебе́ страсотёрпца жизнь препроводил еси́, / и вси, приходя́щие к тебе́, áки ко исто́чнику благодетелю́щему, / радостно отходя́ще, Христа́ прославля́ют.

**Сла́ва, и ны́не, Богородичен:**

Востáния безплóтных враг и злóбы, избáви мя, Богородице, / и Твоею моли́твою сих прожені́: / Ты бо íмам тёплое заступлénие, и по́мощь, и твёрдое прибе́жище.

**По 2-й стихоло́гии седа́лен, глас 3:**

Не то́кмо во гра́де твоём слы́шано бысть, / но и во вся страны́ и гра́ды произы́де сла́ва и́мене твоего́, преподобне, / и вси, призывáющие с véрою тебе́ на по́мощь, / недугóв исцелénие приёмлют.

**Сла́ва, и ны́не, Богородичен:**

Предстáтельница и покрóв Ты еси́, Пречы́стая, / избáви ны от бед лю́тых и обстоя́ний / и ду́ши на́ша спаси́ Божéственными Твои́ми моли́твами.

**По полиелéи седа́лен, глас 2:**

Кóе похвалénие принесём тебе́, преподобне? / áнгельски бо на землі пожил еси́, / дрéвних же по́стник воздержáнием досты́г, / к мучеником приложы́лся еси́, я́ко нуждную смерть прия́вый. / Тем мо́лим тя, Никито́: / моли́ Христа́ Бо́га о всех нас.



### Слава, и ныне, Богородичен:

Прият во чреве Невместимаго Бóга, / Херувим и Серафим вышши явилася еси, Владычице, / тем, вси вернии, воспеваем Рождество Твое, Пречистая.

**Степенна, 1-й антифон 4-го гласа. Прокимен:** Честна пред Господем / смерть преподобных Его.  
**Стих:** Что воздам Господеву о всех, яже воздаде ми? Всякое дыхание: **Евангелие от Матфея, зачало 43.**

### По 50-м псалме стихира, глас 6:

Преподобне отче, / егда от дому изшел еси, / ни на град озрелся еси, / ни других соединения, / ни супружницы любви помышляя, / но купно вся земная возненавидев, / на Небесная же взирая / и к сим разум твой возвышая: / и якоже обещался еси, / тако благочестно совершил еси. / Тем память твою почитаем, досточудне.

### Канон, глас 4.

#### Песнь 1

**Ирмос:** Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя чудеса.

Светом благодати озаряемь, преподобне, / верою память твою торжествующия световидную / тьмы греховныя молитвами твоими избави, / Никито преславне.

**К** Бóгу вводящ несовратно шествовал еси путь, / ко граду Небесному, Никито, достигл еси, / ибо Святыи настави тя Дух, почиваяй в сердце твоём.

**В**озносящее смирение, Никито, имел еси, тем молимся тебе: / ущедри, преподобне, смирение наше / и болезни вся облегчи сердце наших.

**Богородичен:** Радости нам Ходатаица, / яко приемши исполнение всего Божества, явилася еси, Всенепорочная, / тем вси Тебе, радуйся, Ангелово согласно зовем, Богорадованная.

**Другий канон, имей краегранесие:** Пение приношу молебну предивному отцу Никите. **Глас 8.**

## Песнь 1

**Ирмос:** С окрушившему брани мѣшцею Своєю / и проведшему Израїля сквозѣ Чермное море, / поим Емѹ, яко Избавителю нашему Богу, / яко прослави-ся.

**П**ѣние прими от устен недостойных, Человеколюбче Господи, / и подаждь ми отверзѣние устѹм и глас умиленія, / да возмогѹ воспѣти угѹдника Твоего, Никїту предивнаго.

**Н**енавистию возненавидев суетѹ мїра, / вся содеянная с плачем исповедал еси духовному твоемѹ наставнику / и запрещѣние любѣзно от души восприял еси.

**Е**лико имѣя другѹв любленія, / и подружїя совокупленія, и домовное пребываніе, / волею всех отщетївся, Христа единаго приобрѣл еси.

**Богородичен:** Мольбѹ приношаю от устен недостойных, сїю прими, Владычице, / яко вдовья ѳныя две цѣте, недействѣнна бо есть. / Тѣмже со умиленіем вопїю Ти: / о Пребогатая, слава Рождествѹ Твоемѹ, Пречїстая!

## Песнь 3

**Ирмос:** Не мудростию, и сілою, и богатством хвалимся, / но Тобѹю, Отчею Ипостасною Мудростию, Христѣ, / несть бо свят, паче Тебѣ, Человеколюбче.

**П**режднее весѣліе изменил еси / будущих ради благих жестостію, добродѣтельно пожїв, блаженне, / на источнице в горах, яко великий Ілія, пребывая.

**П**уть правый, егѹже возжелѣв пощенія ради, / удивленіем брашен тебѣ показá Бог, / егѹже обрѣл еси безмѣдно якоже пристанище, мѹдре.

**К**олѣблемых различными страстьми ко твоемѹ столпѹ, Никїто, приходящих, / честным твоим ходатайством всех нас посетї, / моля Человеколюбца.

**Богородичен:** Ты Мудрость Божїя всечестный орган обрѣтши, / от Твоїх чїстых кровей воплощáется / и по рождествѣ нетленнѹ показá.



**Ин**

**Ирмос:** Утвердися сердце мое во Господе, / вознесся рог мой в Бозе моем, / разширишася на враги моя уста моя, / возвеселихся о спасении Твоем.

**Матфей,** мѣтницу оставль, евангелист показася; / ты же, преподобне, суету мира отверг / в монашеская одевся, Христу угодил еси / и чудотворец показался еси.

**Лукавое** сонмище оставль, / Христов ярем на ся возложил еси, / труды же и подвиги твоими всех удивляя и ко спасению наставляя.

**Блуднаго** гласом вопия и со въздыханием в перси бия, / Богу приближился еси и радости вечныя сподобился еси / и непрестаннаго, Никито, веселия.

**Богородичен:** Напастыми многими одержим с болѣзными и плачем вопию Ти: / избави, Богородице, от одержажих мя скорбей и вечнаго мучения / и Царствия Сына Твоего сподоби мя.

**Ин икос:**

**Аще** и человек, отче, по естеству, / но паче естества человеческаго стяжал еси, / вся бо в мире сладкая и красная преобидев, последовал еси Христу, / темже и от всех слышиши: / радуйся, яко Пречистою наставляемь, пустыню достигл еси; / радуйся, яко в ней пречестен храм Божией Матери воздвигл еси; / радуйся, яко тамо в нем Бог тобою прославляется; / радуйся, яко вшел еси на столп, преподобне; / радуйся, яко плоть поработил еси духу; / радуйся, яко твоему житию Ангели удившася; / радуйся, яко тобою человецы пользовашася\*; / радуйся, яко чудесы удививый вся; / радуйся, яко на Небесех предстоя Троице, о нас молишися; / радуйся, источниче чудесем неисчерпаемый; / радуйся, Никито преподобне, молитвенниче о душах наших.

**Седален, глас 5:**

**Телом** возшед на столп, ум же возвысив на премирная, / труды ко трудом прилагаяши, желая

\* тобою пользовашася — тобою исцелялись.

достигнути уготованных тебе благ на Небесах, / ихже получив, поминай нас, почитающих священную память твою.

### Другий седален, глас 4:

Яко всесвѣтлая звезда, возсияв светозарными добродѣтелями, Богоносе, / всю душу просветил еси Духом. / Тем прешел еси к невечернему Свету, / разрешая страстей наших темныя облаки, / память твою присно творящих сердца правостию.

### Слава, и ныне, Богородичен:

Нечистых помысл моих множество / и безмѣстных мыслей обуревания / кто изрещи может, Всенепорочная? / Настояния же безплотных враг моих кто исповесть и сих злобу? / Но Твоею мольбою, Благая, сих мне всех избавление даруй.

### Песнь 4

**Ирмос:** Седяй в Славе на Престоле Божества, / во облаце легце / прииде Иисус Пребожественный / Нетленною Дланию и спасе зовущия: / слава, Христе, силе Твоей.

Столпу, Богоносе, сограждаему непоколеблемою душею / сам ся предал еси, будущую жизнь предзря, / еже улучшить желая, яко храбр воин.

Лавры честныя достигл еси, мудре, / возвысився смирением, верхи демонския смирил еси / и в ней доблествовал еси, слава монахов и утверждение.

Молитвами и постом вооружився / и страхом себе умертвив Господним, блаженне, / отступника изсекаеши, невидимаго змия, отче, победник был еси.

Весь Божественным Духом разжжен быв, отче, / труды подъял еси на многа лета, в хлевине узце терпя, / взыскав Господа, благодатию тя Божественною укрепляющаго.

**Богородичен:** На престоле высоче страшно седяй / на матернюю руку, Младенец быв, сидит, / низпавший образ возводя и обожение сущим подавая.



**Ин**

**Ирмос:** Пророк Аввакум умными очима / провиде, Господи, пришествие Твое, / тем и вопияше: / от юга придет Бог. / Слава силе Твоей, слава низхождению Твоему.

Присно имел еси к Богу молитвенника, / духовнаго твоего наставника, якоже втораго Моисея, / изведшаго из Египта древняго Израиля, научающа тя воспевати: / слава силе Твоей, Господи.

Не довле тебе, преподобне, многотрудное пребывание, / железа тяжкая на ся возлагаеши / и труды к трудом прилагаеши, вопия Христу: / слава силе Твоей, Господи.

Шествия Небесы являя, столп водрузил еси / и от сего стезю в молитвенный храм ископал еси, / идеже прилежно вопия Христу: / слава силе Твоей, Господи.

**Богородичен:** Возстави мя, низу лежащаго, молитвами Твоими, Пречистая, / и на покаяния стези настави, / да, возбнув \* от глубины нечаяния, узрю свет Богоразумия / и воспою заступление Твое, Препетая.

**Песнь 5**

**Ирмос:** Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подающая.

Ходил еси, преподобне, по узкому пути, / Божественными восхождением сердца распространяяся / и причастием обожаяся, всеумдре. / Тем был еси монахом светлость.

Око очистившу умное, преподобне, / благодать дадеся тебе, аки пророку, / еже предняя предзрети и предглаголати яко сущая дальняя и безвестная.

Болезнь облегчи ми грехов и скорбей, / и преста-ви сердца моего болезни, / и согрешений разрешение даруй, Благодетеля Бога имея, / слушающаго честных твоих молитв.

**Богородичен:** Ума моего исцели превращение,

\* возбнув — проснувшись, пробудившись.

Пречистая, / уврачуй страсти души моея и лено-  
стную тьму отжени, / яко да хвалами Тя присно  
ублажаем, Всенепорочная.

**Ин**

**Ирмос:** Господи Боже наш, мир даждь нам, /  
Господи Боже наш, стяжи ны, / Господи, разве  
Тебе, иного не веьмы, / Имя Твое именуем.

Пения совершая, исходя в ноци от столпа, два  
источника ископал еси, / от нихже и до ныне, с  
верою почерпающе, / приемлют благодать исцелен-  
ний.

Соперник прелукавьй, аки змий превелик, /  
посреде келлии твоея изыде, устрашая тя, / ты же  
сего, блаженне, попрал еси / и без вести молитвою  
до конца сотворил еси.

Недуг ослабления удов имея, благочестивый  
Михайл, / княжение тогда содержи во граде  
Чернигове, / молитвами твоими исцеление получи.

**Богородичен:** Христа Иисуса рождающая, Пречи-  
стая, / Сего моли присно избавити от бед рабы  
Твоя, верою имя Твое призывающия: / разве бо  
Тебе, Владычице, иного заступления не имамы.

### Песнь 6

**Ирмос:** Божественное сие и всечестное / совер-  
шающе празднество, / Богомудрии, Богоматере, /  
приидите, руками восплещим, / от Нея рождаемого  
Бога славим.

Умертвил еси страсти телесныя, / яко древо  
видеся высоковерхо, плоды чудес принося, / Никит-  
то Богоблаженне.

Иже безчисленным болезнем приближихся, / те-  
лом немощен пребыв, преподобне. / Тем зову ти  
верою: / болезни устави сердца моего.

От душевных немощей, отче, колеблемых, верою  
тя призывающих ныне посети / молитвами твоими,  
яже к Богу, / яко да благочестно тя славим.

**Богородичен:** Единая Помощнице, помози ми,  
погибающе, / и руку ми простри, и ко пристанищу  
наведи покаяния, / Дево Богорадованная.

**Ин**

**Ирмос:** Яко воды морския, Человеколюбче, /  
волнами житейскими обуреваюся. / Темже, яко



*Иона, тако вопио Ти: / возведи от тли живото мой, / Благоутробне Господи.*

**Предивно** бысть чудо: еще бо державному Михайлу, ни обители достигшу, / ни столпа видевшу, токмо жезл твой в руке приим / и о сем укрепився, исцеление получи / и прииде во обитель твою здрав.

**Радостно** благочестивый Михайл князь, приемля от тебе благословение, / сам тебе исповеда, како велиар во образе чернца, / дважды поноси тебе, скажуя тебе, от жития сего отшедша.

**Державный** Михайл князь, дошед места, идеже исцеление получи, / повеле водрузити Честный Крест в славу Богу / и в память чудес предивнаго отца.

**Богородичен:** Все время живота моего во страстех изжих / и ныне моления приношаю Ти, Пречистая: / разрешение подаждь ми, Всепетая, и вечнаго мя избави осуждения, / Ты бо миру Благая Помощница.

### Кондак, глас 8:

**Христа** ради от твоих рабов нуждную смерть претерпел еси / и венец нетления от Него восприял еси, / приходящим же с верою от честнаго твоего гроба подаеши цельбы, / о Никито преподобне, / молитвенниче о душах наших.

### Икос:

**Земный** Ангел, Небесный человек был еси, преподобне, / постом и бдением душу просветив, / алканием, и жаждою, и на земли леганием Богу угодил еси / и всяку добродетель монашескаго жития исправил еси, / к сим же и нуждную смерть от твоих рабов восприим, / возшел еси к желаемому Христу, радуясь, о Никито преподобне, / молитвенниче о душах наших.

### Песнь 7

**Ирмос:** Не послужиша твари Богомудрии / паче Создавшаго, / но, огненное прещение мужески поправше, / радовахуся, поюще: / препетый отец Господь и Бог, благословен еси.

**С**ёрдце твоё Трёическое жилище соделав, / три кресты и тяжкая желёза, Никито, на себе понес, / от нихже Божественною благодатию цельбы истекают / на просвещение и очищение верно притекающим ти.

**Д**уша твоё светозарением Божественнаго Духа сияющи присно, / души видяще притекающих ти верою светло, блаженне, пророческими прореченни, / тем ты ублажаем.

**Недугов** труждающих, блаженне, души и телеса / твоими святыми молитвами вскоре измени и пети сотвори: / препетый отец Господь и Бог, благословен еси.

**Богородичен:** Непременнаго рождши, едина Богорадованная, / десницею Его, Чистая, пременити ми ум на лучшее молю Ти ся, / люте превращаемый житейскими упражднени.

### Ин

**Ирмос:** От Иудеи дошедше, отроцы / в Вавилоне иногда / верою Трёическою пламень пещный попраша, поюще: / отец Боже, благословен еси.

**Не** ржа покры тяжкая она желёза, / но труды твоё и поты сих просветиша, и, яко злато, блестяхуся: / любве же ради Господни не чул еси сих на телеси твоём, усердно вопия: / отец наших Боже, благословен еси.

**Мутнии** умом убийцы, зряще блистание оно на телеси твоём, / мняще множество злата носящу ти, / о убийстве твоём умыслиша. / Ты же от сих, преподобне, нуждную смерть восприял еси, вопия Христу: / отец наших Боже, благословен еси.

**Обретоша** во время утренняго клепания честное тело твоё, тепло лежащо, / душу же отшедшу ко Господу, / обители же, исполньшися благоволия, вси возопиша со слезами: / отец наших Боже, благословен еси.

**Богородичен:** Церковь освящена Богу бывши, Марие Богородительнице, / Сего моли, яко Человеколюбца, Чистая, ущедрити люди согрешившия / и спасти от бед лютых и страстей треволения.



## Песнь 8

**Ирмос:** *Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, / и превозносите Его во вся веки.*

**С**тоя на столпе выспрь, / яко на свещнице свеща, преподобне, светящи, / всем разумы верным просвещая, / показовал еси добре словесы и деянии стезю живота / и возводил еси сия Божественным смыслом к высоте безстрастия.

**У**м безстрастием очищ, беседовал еси ко Господу Вседержителю, / от Негоже неизреченным, преподобне, навикая, / пророчески предглагола еси, / просвещая души, яко великий, преблаженне, пророк; / тем ты согласно верою воспеваем.

**Н**аидоша ми раны тяжкия, и недужи часто труждают, / тех мя измени, отче, молю ти ся, / яко от Бога приим, Никито, / благодать исцеляти страсти и болезни облегчати.

**Троицен:** *Со всеми Горними воинствы Отца и Сына и Святаго Духа, / Троицу Нераздельну, Несозданно Божество, песнословяще, / Свят, Свят, Свят, возопием радостно, / Единая Власть, Начало и Царство.*

**Богородичен:** *Иже всеми неприступен Сый Зиждитель Горними, Отроковице, чинми, / вселився в ложесна Твоя, неопальну соблюде Тя и по рождестве нетленну. / Емуже ныне присно поем: / Господа воспевайте дела и превозносите Его во вся веки.*

## Ин

**Ирмос:** *Покрываяя водами превыспренняя Своя, / полагаяя морю предел песок / и содержай вся, / Тя поет солнце, Тя славит луна, / Тебе приносит песнь вся тварь, / яко Содетелю всех во веки.*

**Н**еразумнии они убийцы желаемого злата не получиша, / честныя же вериги в реку Волгу ввергоша; / пресветлым лучам над ними в нощи явльшимся, / яко и весь град Ярославль осиявшим.

**К**ресты три и вериги тяжки, / верху воды

плавающим, обретошася, / и сих боголюбивии  
взёмше, во град Ярославль внесоша, / и мнози,  
различными недуги одержимии, / исцеление от сих  
получиша.

**Ты** сам, преподобне, обрётшему явився, / три  
кресты, рекл еси, и тяжкая железа, / почесть  
тудов моих, скоро положени да будут на гробе  
моём. / Он же, страхом и радостию одержим быв, /  
по словеси твоему тако сотвори.

**Богородичен:** Твоя милости на мне удививши,  
Чистая, / уязвленную душу мою исцели, / и будуща-  
го мучения избави, / и Царствия Сына Твоего  
сподоби мя.

### Песнь 9

**Ирмос:** Всяк земнородный / да възграется, Ду-  
хом просвещаемь, / да торжествует же Безплотных  
умов естество, / почитающее священное торже-  
ство Богоматере, / и да вопиет: / радуйся, Всебла-  
женная Богородице, / Чистая Приснодево.

**Воздвизая** руки твои к Богу, молился еси, / крепя  
ум твой удержати от страстей, / аки Ангел, в  
телеси, отче, ты был еси. / Тем со Ангелы всегда на  
Небесех живещи, славному престолу предстои, /  
Света невечерняго исполняемь.

**Яко** на Небеси, в хлевине узце пожил еси,  
преподобне: / тем ти умиришася дивии зверие, /  
покорившему страсти телесныя и злостремления,  
Никито преподобне. / Сего ради верою тя почита-  
ем.

**Твоя** честныя и святыя мочи, во гробе лежаще,  
погружают недуги, / и пополают толпы демонския  
всегда, / преподобне Никито, Божественною  
благодатию, / и источают всем исцеления, верно ты  
блажащим.

**Уже** к Богу приближаяся яснее и чище, / помяни  
верою тя, Никито, поминующих, / грехов оставле-  
ние нам испроси, и недугов всех избавление, / и  
Божия Царства селение.

**Богородичен:** Светом мя озари Твоим, Непороч-  
ная, рождающая Свет неприступный, / разжени об-  
лак страстей души моея, / и от тьмы изми, молю Ти



ся, / и Божественнаго спасения сподоби, Чистая, едина Приснодева.

**Ин**

**Ирмос:** Тя, Неискусобрачную Матерь Бóга Вышняго, / Тя, паче умá рóждшую словом войстинну Бóга, / вьшшую пречистых сил, / немóлчными славословлѣнии величаем.

Моли за ны, óтче преподобне, держáвный вопи́ше, / и испроси́ миру мир, нам же здравие и на враги́ одолѣние: / тебѣ бо моли́твенника тѣпла ко Влады́це предлагаем.

Ра́ку твою́ лобыза́юще, лю́дие благочестивии умíльно глаго́лют: / испроси́ у Христа́, преподобне, / нам же и ча́дом нашим здравие, и спасѣние и ве́лию мíлость.

Купно за отѣчество, и святителѣй, и за вся правосла́вныя моли́ся, преподобне, / да вси, па́мять твою́ свѣтло прáзднующе, / в пѣснях Христа́ величаем.

**Богорóдичен:** Льва рыка́ющаго на мя ути́ши, Пречистая, / менѣ же цельбы́ Божественныя сподоби, / да узрю́ свет Богоразумия и радóстно воспóю Рождество́ Твое́, Богорóдице.

**Свети́лен:**

Вся жити́я оста́вь, Христа́ приобрѣл еси́, / трудополо́жно пожив / и смерть ну́жную восприе́мь; / тем па́мять твою́, Никíто, почита́ем.

**Сла́ва, и ны́не, Богорóдичен:**

Бóга нам, Пречистая, родила́ еси́, / и вси, прародíтельныя кля́твы изба́вьшися, / воспева́ем Тя, Препѣтая.

**На хвалитѣх стихирѣ на 4, глас 8.**

**Подобен:** О, пресла́внаго чудесѣ:

О, пресла́внаго чудесѣ! / Ка́ко перемени́ся разум твой / от суеты́ мíра на благочестие? / Смирѣн и целомудр показáся / мона́хом наста́вник ко спасѣнию, / по́стников похвалá, / молчáльников удобрѣние. / Тѣмже любóвию па́мять твою́, / Никíто преподобне, ублажа́ем.

Моли́твенник к Бóгу крѣпок был еси́, / чистоты́

рачитель, / целомудрия образ, / терпения столп, /  
ангельски на земли пожил еси, / и, яко звезда  
пресветлая, показался еси, / и был еси многим  
вождь ко спасению. / Темже любезно / память твою,  
Никито преподобне, восхваляем.

Образом ангелолепен показался еси, / седина  
честна, постом украшена, / воздержанием сияя,  
братолюбием цветый, / кроток взором, / и тих  
хождением, / и умилен видением, / и смирен  
сердцем, высок добродетельным житием. / Темже  
любовию / память твою, Никито преподобне, убла-  
жаем.

### Слава, глас тойже. Самогласен:

Преподобне отче Никито, / в монашестве пожил  
еси непорочно / и благоугодно Господеви, / и,  
елико трудоположно начал еси, / изрядно и чудно  
скончал еси / и всесовершенно во страхе Божии, /  
и чудес дарований сподобился еси, / еже исцеляти  
недуги различныя / и прогоняти духи лукавыя. /  
Тем память твою почитаем, досточудне.

### И ныне, Богородичен.

### Славословие великое. И отпуст.

### Молитва

О всечестная главо, преподобне отче пребла-  
женне, Никито преподобномучениче! Не забуди  
нищих твоих до конца, но поминай нас всегда во  
святых своих и благоприятных молитвах к Богу и  
не забуди присещати чад своих. Моли за ны, отче  
благий и избранниче Христов, яко имеяй дерзно-  
вение к Небесному Царю, и не премолчи за ны ко  
Господу, и не презри нас, верую и любовию  
чтущих тя. Поминай нас, недостойных, у Престола  
Вседержителя и не престай моляся за нас ко  
Христу Богу: тебе бо дана бысть благодать  
молитися за ны. Не мним бо тя мертва суща, аще бо  
и телом преставился еси от нас, но и по смерти убо  
жив пребываеши. Не отступай от нас духом,  
сохраняя и соблюдая нас от стрел вражиих и  
всякия прелести бесовския, заступниче и молит-  
венниче наш добрый. Аще бо и мощей твоих рака  
пред очима нашими видима есть всегда, но святая



твоя душа со ангельскими воинствы, со Безплотными лики, с Небесными силами у Престола Вседержителя Бога достойно веселится. Ведуще убо ты воистинну и по смерти жива суща, тебе припадаем, и тебе молимся, и милися деем, еже молитися о нас Всесильному Богу о пользе душ наших, и испроси нам время на покаяние и невозбранно прейти от земли на Небо и горьких мытарств, и воздушных князей, и вечныя муки избавитися нам, и Небесному Царствию наследником быти со всеми праведными, от века угодившими Ему, Господу нашему Иисусу Христу. Ему же подобает всякая слава, честь и поклонение со Безначальным Его Отцем и Святым Духом, ныне, и присно, и во веки веков. **Аминь.**

**Преподобный Никита Столпник Переяславский** был уроженцем города Переяславля Залесского и заведовал сбором казенных податей и налогов. В 1152 году князь Юрий Долгорукий перенес город Переяславль и каменный храм во имя Всемиловитого Спаса на новое место. В связи с расходами по строительству города и храма был произведен усиленный сбор податей с жителей города. Никита, руководивший этими сборами, нещадно грабил жителей, собирая огромные суммы денег для себя. Так длилось много лет. Но Милосердный Господь, желающий всех грешников спасти, и Никиту привел к покаянию.

Однажды он пришел в церковь и услышал слова пророка Исаии: «Измыйтесь, и чисти будете, отъимите лукавства от душ ваших... научитесь добро творити... избавите обидимаго, судите сиру (защитите сироту) и оправдате вдовицу» (Ис. 1, 16—17). Словно громом был потрясен он этими словами, проникшими в глубину сердца. Всю ночь Никита провел без сна, вспоминая слова: «Измыйтесь и чисти будете». Однако утром он решил пригласить друзей, чтобы в веселой беседе забыть ужасы прошедшей ночи. Господь вновь призвал Никиту к покаянию. Когда жена стала готовить обед для угощения гостей, то вдруг увидела в кипящем котле то всплывавшую человеческую

голову, то руку, то ногу. В ужасе позвала она мужа, и Никита увидел то же самое. Внезапно в нем пробудилась уснувшая совесть, и Никита ясно осознал, что своими поборами он поступает как убийца. «Увы мне, много я согрешил! Господи, наставь меня на путь Твой!» — с такими словами выбежал он из дома.

В трех верстах от Переяславля стоял монастырь во имя святого великомученика Никиты, куда и пришел потрясенный страшным видением Никита. Со слезами он припал к ногам игумена: «Спаси погибающую душу!» Тогда игумен решил испытать искренность его покаяния и дал первое послушание: три дня стоять при монастырских воротах и исповедовать всем проходящим грехи свои. С глубоким смирением Никита принял первое послушание. Через три дня игумен вспомнил о нем и послал одного инока посмотреть, что он делает у монастырских ворот. Но инок не нашел Никиту на прежнем месте, а обнаружил его лежащим в болоте: он был покрыт комарами и мошками, тело его было в крови. Тогда сам игумен с братией пришел к добровольному страдальцу и спросил: «Сын мой! Что ты делаешь с собой?» «Отец! Спаси погибающую душу», — отвечал Никита. Игумен одел Никиту во власяницу, сам ввел в монастырь и постриг в монашество.

Всем сердцем приняв монашеские



обеты, преподобный Никита проводил дни и ночи в молитве, пении псалмов и чтении житий святых подвижников. По благословению настоятеля он возложил на себя тяжелые вериги и на местах своих монашеских подвигов ископал два глубоких колодца. Вскоре преподобный усилил свой подвиг—он выкопал глубокую круглую яму и там, возложив на голову каменную шапку, стал, подобно древним столпникам, на пламенную молитву. Только голубое небо да ночные звезды видел он со дна своего столпа-колодца, да узкий подземный ход вел под церковную стену—по нему преподобный Никита ходил в храм на Богослужение.

Господь принял его покаяние и даровал всесильную благодать исцелять недуги и изгонять бесов. Так, однажды преподобный Никита исцелил юного князя Черниговского Михаила, послав ему навстречу свой жезл. Большой князь оперся на него и стал здоров. При этом святой Никита именем Божиим связал беса, лукавый три часа стоял у столпа, обещая больше не вредить людям.

Так подвизаясь добрым подвигом в обители великомученика Никиты, преподобный Никита и сам завершил жизнь мученической кончиной. Однажды ночью родственники святого, приходившие к нему для благословения, прельстились его блестящими веригами и крестами, приняв их за серебряные, и решили овладеть ими. В ночь на 24 мая 1186 года они разобрали покрытие столпа, убили подвижника, сняли с него кресты и вериги, завернули их в грубую холстину и убежали.

Перед утренним Богослужением пономарь, пришедший за благословением к святому Никите, обнаружил разобранную крышу и сообщил об этом игумену. Игумен с братией поспешил к столпу преподобного и увидел убитого святого, от тела которого исходило благоухание.

Торжественно и благоговейно, с пением и свечами было погребено честное тело подвижника у церкви святого великомученика Никиты, с правой стороны алтаря.

Между тем убийцы, остановившись на берегу реки Волги, решили

поделить добычу, но с удивлением увидели, что это не серебро, а железо, и бросили вериги в Волгу. Господь прославил и эти видимые знаки тайных подвигов и трудов святого. В ту же ночь Симеон, благочестивый старец Ярославского монастыря во имя святых апостолов Петра и Павла, увидел над Волгой три ярких луча света. Он сообщил об этом настоятелю монастыря и старейшине города. Собор священников и многочисленные горожане, сошедшиеся к реке, увидели три креста и вериги «яко древо в водах волжских плавающие». С благоговением и молитвами перенесены были вериги в обитель великомученика Никиты и положены на гроб преподобного Никиты. При этом произошли исцеления.

Около 1420—1425 гг. святитель Фотий, Митрополит Московский, благословил открыть мощи святого Никиты. Игумен монастыря с братией совершил молебен, затем открыли бересту, которой было обернуто нетленное тело, но вдруг могила закрылась землей и мощи остались под спудом. В 1511—1522 гг. был воздвигнут придел во имя преподобного Никиты, а в XIX веке протоиерей А. Свирелин составил акафист святому.

В Иконописном подлиннике дан внешний облик святого: «Подобием стар и сед, брада подоле Власиевой, весьма бела, на конец узка и раздвоилась, от брады с левой стороны косм долг, мало не до пояса, на главе клобук лазоревый со кресты, ризы преподобническа, стоит на столпе. Сей возложи на ся вериги железныя и труждашеса, и ради онех же вериг убиен бысть в лето 6694».

Память преподобного Никиты совершается 24 мая.

### Литература

1. Ильинский П., священник. Переяславльский монастырь и его подвижник, преподобный Никита Столпник. Владимир, 1897.

2. Свирелин А., протоиерей. Житие святого Никиты Столпника. Вязники, 1890.

3. Служба преподобному Никите Столпнику. М., 1807.